

敘州府志卷二十一

物產 統部

雄賦蜀都祁贊方物異類够夥不可殫述誇山荔薰石門蘭茁桐鳳竹麴糶霜鹽雪博采殊號備詳特出述物產第十六

穀類

五穀 按揚雄蜀都賦曰五穀馮戎左思蜀都賦言黍稷稷稻物理論梁者黍稷之總名稻者乃稷之總名菽者眾豆之總名今十三屬皆產而稻之類尤多考各廳縣志所載曰六十早 南溪志插禾後六十日可穫 紅蓮早

敘州府志卷二十一 物產

隆昌志 江西早 南溪志種自江西來一歲可栽兩次 川主糯 南溪志六月二十四川主

誕日可穫 當即周禮注所謂後種先熟曰稔也曰藍黏青

黏白糯紅糯 並高縣志 曰蛇眼糯虎皮糯黃絲糯燕口紅

並隆昌志 又以其形色名之也雷馬屏三屬山地較多多

種玉麥 一呼包穀 麥則以雷波出者為最

蘇麻 南溪志 子圓細如菜米油亦甘香 按各廳縣

皆產

天星米 雷波志 廳產金川瑣記天星米如黍粒可

作糧食

蔬類

葱韭蒜薤芹芥萹苣葵藿筍菌蘿荀蒿苣白菜青菜
蔓菁菘蓮苦蕒 各廳縣志皆有

菹醬 通志敘州府物產史記所載卽此各屬俱出
華陽國志夔道江陽俱有益部方物略記出渝瀘茂
威等州卽漢唐蒙所得者葉如王瓜厚而澤實若桑
椹緣木而蔓子熟時外黑中白長三四寸以蜜藏而
食之辛香能溫五藏或用作醬善和食味或言卽南
方所謂浮留籐取葉合檳榔食之贊曰蔓附本生實
若椹纍或曰浮留南人謂之和以爲醬五味告宜

薑 華陽國志夔道縣有按各處皆有

敘州府志

卷二十一

物產

二

苦筍

明統志宜賓長甯二縣出宋黃庭堅苦筍賦

夔道苦筍冠冕兩川甘脆愜當小苦而反成味溫潤
續密多啖而不痛蓋苦而有味如忠諫之可活國多
而不害如舉士之得其賢是其鍾江山之秀氣故能
深雨露而飽風煙食肴以之啟進酒客爲之流涎彼
桂班之與蘆菹又安得與之同年蜀人曰苦筍不可
食食之動痼疾令人萎而瘠予未嘗與之言蓋上士
不談而喻中士進則若信退則眩焉下士信耳不信
口其頑不可鑄李太白曰但得酒中趣勿爲醒者傳

國朝江夏彭瑞毓謝薛觀唐司空饋戎州苦筍詩詩人

愛苦茶文殊餐苦瓠舉俗嗜甜甜誰識苦中趣區區
勞苦身戎州久流寓菜把送無人豈惟闕其數蒿苣
不甲圻緣遭馬齒妒涪翁去千載苦筍猶可遇求之
賣菜傭輒爲非種誤戎州苦筍有二種其一不中食賢哉薛司空歸
來事農圃馨膳奉雙親孟宗何足慕春來竹林中森
森龍蛇布盤殮常有餘用以遺親故到口或皺眉久
茹不忍吐譬如食橄欖回甘方漸晤我在羈旅中偃
蹇誰一顧常荷地主恩用少陵送菜把詩句殷殷念寒素廚傳
故蕭然恃此供旦暮服藥不苦口何由愈沈疴作詩
不苦心何由得好句天以苦勉人生物自流露可惜

敘州府志

卷二十一

物產

三

世間人顛倒徇好惡我心生黃蘗根蒂日以固珍品
偶然得頓若飫餒舖識此味外味萬事從之喻合當
鼓腹歌聊以酬琛賂趙樹吉苦筍詩吾州二江合南
郭環巖巖連山多苦竹綠霰交層巒野風散春秀林
潤香可劒籬梘過朝雨戢戢青玉嵌傾筐襍菜把縷
切女手摻登盤象齒白勇食如鼓儻魏徵絕媚媼汲
黯終清嚴幼誦涪翁賦高格性不凡回甘喻忠諫與
俗殊酸鹹比年職獻納欲語口屢緘諒無食肉相空
有湖州饒故山在何許霜雪埋松杉杜老念黃精託
命唯長鑱吾將參玉版椒髮拋朝衫

冬筍 卽南竹筍冬初土人視竹稍所垂處掘之卽得味極甘脆爲筍中佳品出土後謂之春筍味便遜矣長甯興文珙縣一帶皆產新增
眞珠菜 益部方物略記戎瀘等州有之生水中石上翠縷纖蔓首貫珠蜀人以蜜熬食之或以醃煮可行數千里不腐也贊曰植根水中端若串珠皿而滷之可以代蔬

茄 羣芳譜一名落蘇一名小菰一名崑崙瓜有紫青白三種按今各屬皆有宋黃庭堅謝楊履道送銀茄詩藜藿盤中生精神珍蔬長蒂色勝銀朝來鹽醃

敘州府志

卷二十一

物產

四

飽滋味已覺瓜瓠謾輪囷君家水茄白銀色殊勝爛裏紫彭亨蜀人生疎不下箸君與北人俱眼明白金作顆非椎成中有萬粟嚼輕冰戎州夏畦少蔬供感君來飯在家僧畦丁收盡垂露實葉底猶藏十二三待得銀包已成殼更當乞種過江南

甘藷 南方草木狀甘藷蓋薯蕷之類或曰芋之類根葉不如芋皮紫而肉白蒸煮可食羣芳譜甘藷一名朱藷一名番藷大者名玉枕藷按各廳縣皆產

花椒

通志

敘州府產本草

川椒一名巴椒一名蜀

椒一名唐藟一名含丸使者羣芳譜川椒肉厚皮皺

粒小子黑外紅裏白入藥以此爲良他椒不及也按各廳縣皆產

菠菜 [南溪志]種出頗陵國語譌爲菠稜見劉賓客嘉話錄俗名赤根菜詢芻錄南人呼菠菜北人呼赤根菜東坡詩北方苦寒今未已雪底菠稜如鐵甲豈知吾蜀富冬蔬霜葉露芽寒更茁按各廳縣皆產

蕪菜 [南方草木狀]野葛有大毒以蕪菜汁滴其苗當時萎死世傳魏武噉野葛至一尺先食此菜按各廳縣皆產

山藥 [羣芳譜]原名薯蕷一名山藷一名玉延一名
敘州府志 卷二十一 物產 五
修脆處處有之蜀道尤良按各廳縣皆產

芋 [說文]大芋實根駭人故謂之芋益部方物贊芋種不一鷓芋則貴民儲於田可用終歲羣芳譜一名土芝一名蹲鴟一名莒在在有之蜀漢爲良按各廳縣皆產

瓜 [揚雄蜀都賦]瓜瓠饒多左思蜀都賦瓜疇芋區 [廣志]蜀地溫良瓜冬熟有春日瓜正月種三月熟有秋泉瓜秋種十月熟按南瓜冬瓜苦瓜甜瓜黃瓜絲瓜金瓜壺盧瓠子各廳縣皆產西瓜種者少

大頭菜 [高縣志]邑產按桐梓縣志有大頭菜雲南

志稱樹頭菜各廳縣並產

蕓臺 廣羣芳譜一名蕓菜一名油菜單莖圓肥淡青色葉附莖上形如白菜嫩時可炒食既老莖端開花如蘿蔔花結角中有子按各廳縣皆有紫色者佳
菱筍 羣芳譜菰一名菱草一名蔣草蒲類也生陂池中春末生白芽如筍名菰菜又名菱白按俗呼高筍高乃菱之譌也各廳縣皆有

果類

桃李梅杏棗柿柑橘榛栗櫻梨枇杷林檎香櫞佛手
葡萄胡桃落花生藕菱慈姑 各廳縣志皆有

敘州府志

卷二十一

物產

六

荔枝 通志敘州府出土人善爲荔枝煎可以致遠

左思蜀都賦注南裔志云荔枝生朱提南廣縣犍爲
犍道縣齊民要術引廣志曰犍爲犍道南廣荔枝熟時百鳥肥其名之曰焦核小次曰春花次曰胡偈此三種爲美似鼈卵大而酸以爲醢和率生稻田間唐志戎州貢荔枝煎元和志犍道出荔枝一樹可收五十斗寰宇記犍道有荔枝園犍僮多以此爲業園植萬株鄧慶棠荔枝譜蜀中荔枝敘瀘之品爲上宜賓志定誇山產綠荔枝唐杜甫解悶詩憶過瀘戎摘荔枝青楓隱映石逶迤京中舊見君顏色紅顆酸甜只

自知宋黃庭堅謝廖致平送綠荔枝詩王公權家荔枝綠廖致平家綠荔枝試傾一杯重碧色快剝千顆輕紅肌潑醅葡萄未足數堆盤馬乳不同時誰能品此勝絕味惟有老杜東樓詩

國朝學使黃琮敘州食荔枝詩荔枝灣下停輕艫曾見密葉青扶疏嘉果已入太沖賦名筆欲仿香山圖五月炎風苦蒸熱消渴待覓虬珠朝來食指又屢動當嘗異味如腹腴一騎蒼黃門屢欵側生仁向玻璃瓊外壳鮮作紫綃皺內肉白含玉漿滿啖三百顆殊欣然入手勻圓不須揀誰知如醋浸曹公再食翻愁

敘州府志

卷二十一

物產

七

左車損默坐忽思天寶事尤物多從嶺南致如何歲貢取之涪應是宮中戀鄉味除煩差勝玉魚涼怪底肥環有偏嗜馳阮跨谷役夫勞苛政千秋可長唱

九重聖主高垂裳力崇儉德追義皇天下土貢尙裁減誰敢珍異陳上方閩中陳紫舊入獻久禁使者通帆檣翻笑和帝罷置埃一封諫草緣唐羌趙樹吉荔枝詩海山有仙人絳襦映膚玉不知何年世逃影入岷蜀色味兩無殊未礙骨勝肉芳腴沁肝肺盧橘真隸僕緬惟唐天寶驛騎馳涪谷但見妃子笑那聞野人哭盛朝絕果獻家法宮帷肅遂令珍異產得果藜苳腹

山居屢過夏離離綻紅熟分甘及童州餘摘喧鳥囓
北來望孤雲夢繞翠屏麓寒瓜嚼水精信美非吾欲
艱虞玉食減斤斧被草木三百儻可啖臣朔飢亦足
餘甘子 通志敘州府物產狀如川練子初食味苦
澀少頃回味甚甘 益部方物略記生戎瀘等州山樹
大葉細似槐實若李而小咀之前苦後歆歆有味故
號爲餘甘核有稜或六或七解硫黃毒卽本草所謂
菴摩勒者贊曰黃葩翠葉圓實而澤咀久還甘或號
菴勒

橄欖

各屬俱有宋黃庭堅謝王子予饋橄欖詩方

敘州府志

卷二十一

物產

八

懷味諫軒中果忽見金盤橄欖來想共餘甘有瓜葛
苦中真味晚方回

國朝江夏彭瑞毓食橄欖詩戎州六月橄欖落爽似哀
梨青似箸汁漿未出已聞香齒牙脫盡猶堪嚼先時
苦澀後回甘風味原來不易諳淺嘗輒唾良可惜徒
存口舌昧咀含東坡致誚輸崖蜜辭若憾焉意未必
生處華屋不知美豈若崇高憶蓬筆人生德業均此
理功成皆自艱辛起富貴貧賤未足擬玉局翁言戲
之耳

給客橙

蜀典上林賦注郭璞曰蜀中有給客橙似

橘而非若柚而芳香夏秋華實相繼或如彈丸如手指通歲食之一名盧橘按通志引花木志文同有脫漏字又常璩志江陽郡有蒟醬給橙卽給客橙也
龍眼蜀都賦注南裔志龍眼生朱提南廣縣犍爲
樊道縣江夏彭瑞毓食戎州鮮龍眼詩珍果猶疑以象名今看神采竟如生試將障翳輕輕撥漸覺光輝湛湛明銜燭定知魚莫混含椒堪笑鼠空腔劇憐圓核晶瑩處妙手何勞更點睛

戎州李蜀典引廣志李戎州所出肉熟而皮猶綠

黃甘廣志犍爲南安縣出按今各屬皆有

敘州府志

卷二十一

物產

九

蔗說文曰諸蔗也左思蜀都賦甘蔗辛薑宋洪邁糖霜譜蔗有四色曰杜蔗曰西蔗曰芳蔗本草所謂荻蔗也曰紅蔗本草所謂崑崙蔗也紅蔗止堪生噉芳蔗可作沙糖西蔗可作霜色淺土不甚貴杜蔗綠嫩味極厚專用作霜按各廳縣皆產

草類

葛艾蒿蒲蕉萱蓼芝菌蘆葦萍藻各廳縣志皆有

仙人掌通志敘州府物產引本草筠州產

紅蕉益部方物略記於芭蕉蓋自一種葉小其花

鮮明可喜蜀人語染深紅者謂之蕉紅蓋做其殷麗

云贊曰蕉無中榦花產葉間綠葉外敷絳質凝殷按各廳縣皆有

側耳根 荒年雜詠即葢菜越王遇荒採葢是此呼葢為側者聲之譌按各廳縣皆有

燈心草 本草綱目一名虎鬚草一名碧玉草按各廳縣皆有土人以之織席

木類

松柏檉檜楊柳桑柘樟梓楸桐槐榆椿楮 各廳縣志皆有

桄榔 通志敘州府物產引述異記西蜀石門山有

敘州府志

卷二十一

物產

十

樹名曰桄榔皮裏出屑如麩用作餅食之與麩相似因謂之桄榔麩焉

楠 通志敘州府物產年久向陽者凝結花紋俗呼

為鬪柏楠益部方物略記楠蜀地最宜者生童童若幢蓋然枝葉不相礙葉美陰人家多植之樹甚端偉葉經歲不凋至春陳新相換有花實似母丁香贊曰在土所宜亭擢而上枝枝相避葉葉相讓繁陰可麻

美幹斯仰

女貞 寰宇記夔道縣黃魚山巖中惟生女貞樹廣

羣芳譜一名貞木一名蠟樹本草枝葉狀類冬青四

時不凋蜀人以放蠟蟲故謂之蠟樹

青桐 救荒本草青桐樹今處處有之其木大而結
椽斗者爲椽櫟小而不結椽斗者爲青桐其青桐樹
枝葉條幹皆類椽櫟但葉色頗青而少花又味苦性
平無毒戊己編青桐葉薄而青至秋黃赤色紅皮白
理皮間如蟲蝕狀子能肥豕郡人斬其大者令發芽
長二三尺謂之火芽以飼蠶卽山繭也按各廳縣皆
產今宜賓亦多養山蠶者

黃葛樹 各廳縣皆產學使吳省欽考癸己予於敘
州見所謂黃葛樹者幹枝複互怪詭百狀賦詩有我

敘州府志

卷二十一

物產

十一

疑此是南海榕禿鬚不蔽方畝宮之句嗣見亡友趙
光祿文哲黃菓樹歌蓋從軍滇緬時作其狀怪詭略
同其爲植較巨因念菓特葛之轉音而自敘州以下
樹漸多漸大蔭漸廣水經注有黃葛峽宋熊本敗瀘
川柯陰夷於黃葛下蘇子由自江陽見之以謂嘉樹
獨怪子瞻致能務觀諸公無一語及之而楊用修有
安濟廟榕樹詩明史合江縣南有榕山山多榕樹俗
名榕子山三體詩註云榕初生如葛藟緣木後乃成
樹則以舉示閩與粵之人皆曰榕有大葉小葉二種
此蓋大者乃考之以通兩家之郵而予向使桂海時

憾未見一榕且以歎遇物能名者之爲難也

霸王鞭

田居蠶室錄節節皆如鞭形緣身布刺相

接爲枝幹有高至二丈者護墻落最宜折節插之即活按屏山雷波一帶最多

漆樹

輿文志邑產授時通考樹高二三丈身如柿

皮白葉似椿花如槐六七月割取滋汁以竹削尖筒釘木中或以斧逆斫其皮以竹筒承之滴汁成漆

竹

班竹水竹慈竹苦竹筋竹箭竹刺竹 各廳縣志皆

有

敘州府志

卷二十一

物產

三

棕竹

宜賓長甯珙縣志邑產羣芳譜注棕本作櫻

有三種上曰筋頭櫻短葉垂堪置書几次曰短栖可列庭階次曰樸竹節稀葉硬全欠溫雅但可作扇骨料耳

筇竹

通志敘州府物產引明統志府境出可爲杖

按竹譜注高節實中狀若人剖山海經謂之扶竹郭

注謂之扶老竹今呼羅漢竹宋黃庭堅筇竹頌偉邛峽之美竹初發跡於牂牁有山而不險有水而無波金聲而玉節故貫四時而不改其柯一子遺我扶予澗阿坐則倚胡床斐几行則隨青笠綠蓑吾衰也久

矣視爾畏友於琢於磨百世以俟聖人而不惑則涪
皜不負筇竹危而不持顛而不扶惟筇竹之負涪皜
又筇竹杖贊厲廉隅而不劇故竊比於彭聃之壽屈
曲而有直體能獨立於霜之後伯夷食薇而清陳仲
嚙李而瘦涪翁晝寢蒼龍掛壁涪翁履危心如鐵石
窮山獨行解兩虎爭終不使卞莊乘而孺子成名

紫竹 〔通志〕敘州府物產引名勝志十道記長甯涪
井監供紫竹

南竹 〔興文志〕邑產

白甲竹 〔興文志〕邑產按卽竹譜之白竹各廳縣多

敘州府志 卷二十一 物產 三

有

花類

桂梅木筆水仙玉簪鳳仙芍藥紫荊紫薇薔薇雞冠
茉莉玫瑰珠蘭山茶月季芙蓉木槿 各廳縣志皆

有

牡丹 〔本草〕牡丹生巴郡山谷按今蜀中皆有敘屬

產屏山者佳宋程公許詩春工殫巧萬花叢曉見昭
儀擅漢宮可惜芳時天不借三更雨歇五更風

蘭 〔通志〕敘州府物產慶符石門山出因名蘭山有

春蘭秋蘭夏蘭雪蘭鳳尾蘭素蘭石蘭竹蘭又蜀中

有火燒蘭以火將葉燒去然後開花故名明楊慎采
蘭引秋風眾草歇叢蘭揚其香綠葉與紫莖猗猗山
之陽結根不當戶無人自芬芳密林交翳翳鳴泉何
湯湯欲采往無路跼步愁寒裳美人馳目成要予以
昏黃山谷歲復晚修佩為誰長採芳者何人蓀芷共
升堂徒令楚老惜坐使宣尼傷感此興中懷弦琴不
成章

蜀葵 爾雅有戎葵也郭璞注戎蜀蓋其所自因以
名之花有五色有紅者又號一丈紅按各廳縣皆有
菊 收暨閒談蜀人多種菊以苗入菜花可入藥園

徽州府志 卷二十一 物產 古

園悉植之按今府學署所植多至百餘種李訓導壽

萱秋英集句詩白菊此花風味獨清真陸游縱入紛華

亦絕塵韓琥一種共翁頭似雪白居易霜鋪月冷倍精神

張道洽紅菊著雨胭脂沁玉肌劉子澄半呼桃杏聽羣兒

毛滂繁英乍吐丹霞色申時行不畏風霜向晚欺高啟硃砂

片王孫莫把比荆蒿鄭谷重萼丹砂品最高陸游晚菊一

籬秋欲老裘萬頃肯隨桃李媚兒曹許棐紫菊子細相看

似有情林逋晚花作意出繁英元好問雨勻紫菊叢叢色

杜荀鶴染盡胭脂畫不成劉子翬醉楊妃萬點紅芳血色

殷羅隱客來往往羨朱顏陸游欲從顏色窺生相李東真

恐前身是阿環方岳太真紅孤標已自壓羣芳裘萬頃不

羨劉梅貴主妝陸龜蒙好似太真初睡起陳昌臨風猶自

舞霓裳喬長史西施白分來瓊島是仙葩東雪采冰姿

號女華張賁疑是西施醉歸後唐錦天人顏色玉無瑕崔

玉連環仇池玉色白玲瓏蘇軾費盡年年造化工朱南杰

都作連環勾結相楊循吉不隨黃葉舞秋風方粉牡丹

日披濃豔出闌干趙抃亦占芳名道牡丹白居易富貴常

情誰不羨歐陽修詩翁但作菊花看高翥金錢菊庭砌方

圓出化鈞俞桂日鎔金鑄萬家新吳仁璧閑來屈指從頭

數鍾離權活得蒼生幾戶貧李山甫

蘇州府志 卷二十一 物產 五

罌粟花 羣芳譜一名米囊花一名御米花一名米

殼花按各廳縣多有江安楊庚罌粟花賦將欲挽回

春色點綴晴天惟是櫻垂金彈荷貼青錢梅黃帶雨

籜綠含烟茶糜晚香而馥馥芍藥婪尾而娟娟猶未

賞心而快目奚以盡態而極妍於是別開畫閣再敞

瓊筵牡丹臺畔玳瑁欄前大有名花剛度風番廿四

漫同金粟難藏世界三千盼鶴子之尋糧糧兮誤啄

課園丁之抱甕甕以偕圓則見公子圍頭佳人樓下

屏圍白石之欄砌覆蒼苔之瓦翹首餘春關心首夏

鰕鬚簾捲花雨初殘鴉嘴鋤攜香風自惹簪雲鬢而

增妍插銅瓶兮都雅迥異粒餘香稻難容鸚鵡之銜
亦非子摘蓮房漫效鴛鴦之打映離離之朱實詎比
麥英引栩栩之春駒卽同秧馬雨真如玉種未足以
療飢擲倘成砂采不難於盈把亦有僧寮栽而遶砌
隱士植以環廬偶然散以爲花當是曼陀法雨不必
剪兮成綵擬觀茂叔芙蓉供從香案擬作嘉蔬豈其
貸向監河試取自芋圃薑塍之內詎獲頒來桓子第
求諸槿樊瓜堰之餘可以濯鬢露待薺薇之浣有芋
盈缶園收橡栗之儲學農何妨學圃是刈亦復是鋤
種之以嚴霜之始賞之以畏日之初爾其炎景權輿

陽和迢遞極璀璨以如斯荷滋培而大抵栽向仲宣
園裏何堪截竹成罌種之陶令籬邊肯使折腰爲米
半畦如錦影逐風斜一逕留春顏經雨洗倘可負從
仲氏無慮饗之或尸縱使幻出如來空笑囊之有庖
旣宜淡以宜濃亦方苞而方體至於名遺爾雅譜紀
羣芳載稽之於本草肇錫之以米囊苟令並蒂開來
卽兆雙歧之瑞偶或連枝附去應呈九穗之祥炊到
疎籬奚翅青精裹飯斜依曲檻居然紅朽盈倉仿聚
米之竒觀俯藥欄而宛在效指困之雅誼掇苔逕以
何妨沽酒店開誤作瓶罍之洗賣花人過疑聞穉穉

之香他如賦物肖形稱名入傳雞冠倚檻而超羣馬
齒和羹而作饌苔可云衣麥偏號燕玉簪難拾以搔
頭金盆但窺於側面又奚疑是花之比粒米而競傳
象綵囊而爭羨欲趁腰鎌之獲妨摧錦繡千堆休教
刼叛之逢恐碍芳菲一院東臯饁婦對北牖而驚奇
南畝耕夫入西園而創見笑爭枝之啁雀銜稊秕而
自如看待飼之雞雛懷稻梁而不戀能開眾綠之先
漫謂羣英之殿於時惜花村舍種樹人家疎疎密密
整整斜斜絢兮若畫爛矣如霞常懷

禁籞之芳差擬邀來升斗聊辨瑯琊之稻敢云話比桑
菰州府志卷二十一 物產 七
麻維芭維糜結實類
天廚之粟不稼不穡逢時看

上苑之花而所爲豐年多黍多稌者已先呈太平之象
於奇葩

海棠 羣芳譜引敘州府志長甯縣有海棠洞昔郡
人王氏環植海棠每春花時郡守宴賓友於其下按
府志卽前明周志

藥類

甘葛木通香附澤蘭荆芥紫蘇黃精薏苡續斷百合
白炭嘗歸茺莢牛膝麥冬川芎薑黃枸杞地骨皮車

前草何首烏金銀花夏枯草覆盆子益母草使君子
龍膽草 各廳縣皆有

仙茅 通志敘州府物產引明統志仙侶山出學使

吳省欽詩范公志虞衡有茅鬱苞孕服食從旌陽真

氣佐長命旌陽何所師謔母養清淨白日昇丹霄遺

把苗山稜剪去春又生披尋妙指證遺蹟在豫章朝

真秋最盛是皆非蜀產熨道今轉勝孤叢抽斷厓數

節蹙荒嶺不誇三脊豎而訝獨根迸舉刈精采宏祓

濯氣質定錫名婆羅參鍾乳莫能競請誦曼碩文六

味養中正 揭後斯有 仙茅述 鰕生愍蚤衰岷絡枯緯經失色

敘州府志 卷二十一 物產 六

包匭材一二荷持贈安得拔其茹栽蒔布月令與世

躋太和無藥亦無病

鹿茸 雷波志廳產

麝香 馬邊志出夷地

蜂蜜 慶符高縣筠連珙縣雷波志皆有

朱砂 雷波志廳產

苦參 通志敘州府產

五加皮 通志敘州府物產取其皮陰乾囊之以浸

酒服之能延年去疾葉有五尖者為佳蜀語五加皮

謂之白刺顛或曰白刺葉作酒麪藥

金星草 〔本草〕產戎州者爲上喜生背陰竹箐大木下

紫貝龍芽 〔通志〕敘州府物產引本草產戎州

巴豆 〔通志〕敘州府物產引本草生戎州者殼有縱

紋人呼爲金線巴豆蜀都賦巴菽巴戟注巴菽巴豆也

半夏 〔通志〕敘州府物產引寰宇記產戎州

菖蒲 〔通志〕敘州府物產引本草產戎州者佳

升麻 〔寰宇記〕戎州產

黃連 〔通志〕敘州府產〔雷波志〕馬湖府產明時一搯

敘州府志 卷二十一 物產 十九

紳應巡撫某之求求之深山中凡一枝重可二兩者僅得十枝其一枝生絕壁間募人懸綆倒垂取之重至三兩今雷波產黃連形如雞爪亦最上品惟一二兩者絕少土人云黃連生深山中甚大者常有蛇守之不可得

貝母 〔雷波志〕黃茅岡山腳產貝母形如雞心有兩葉小於錢長出土外尋其葉掘之則得惟相戒不敢出聲否則風雨驟至有雷霆之應又三寶山在涼山夷界產黃連附子貝母

附子 〔雷波志〕夷地三寶山產

石莧

通志敘州府物產引本草石莧多附河岸沙

石上春生莖青高一尺以來葉如水柳而短生筠州

厚樸

馬邊志產夷地

茯苓

馬邊志產各山老林

蚊蛤

馬邊志廳境產卽五倍子

骨碎補

宜賓舊志邑產

三七

琪縣志產羅漢林

羽類

鶴鵠鵝雉燕鵲鳩鴿鷹鷓鴣雁鴛鴦鷺鷥畫眉山鷓

鸚鵡白鸚黃鸚鷓鷓魚虎白頭翁 各廳縣志皆有

敘州府志

卷二十一

物產

三

文翰

蜀典逸周書蜀人以文翰文翰者若翬雉

雞者孔晁注曰鳥有文采者臯雉似鳧冀州謂之澤

特郭璞爾雅翰天雞注翰雞赤羽引逸周書曰文翰

若采雞成王時蜀人獻之按酉陽雜俎魚復縣南山

有鳥大如鴿鴿羽色多黑雜以黃白頭頗似雉有時

吐物長數寸丹采彪炳形色類綬因名吐綬鳥今有

吐綬雞蓋文翰之類唯蜀有之馬邊雷波屏山地最

夥大如翟五色仰日吐綬長一尺許須臾還收之嗉

臆前大如斗行慮觸嗉一名避株鳥

秦吉了

通志敘州府物產引聞見錄長甯軍有鳥

名秦吉了者能人言一日有蠻人將錢五千買之長甯軍告以貧苦將賣汝秦吉了曰我乃漢禽不入蠻地遂死至今不產

桐花鳳 益部方物略記二月桐花始開是鳥翱翔其間丹碧成文纖紫珍尾仰露以飲至花落輒去蜀人珍之號爲鳳或爲人捕置樊間飲以蜜漿舖以炊粟可以閱歲蜀士以繪扇唐李衛公嘗爲賦贊曰金花之露俗曰鳳類綠羽纖爪藻背翠尾花落則隱以是見貴按府屬濱江諸縣皆有之

杜鵑 異物志一名雋周自呼曰謝豹望帝杜宇所化也春暮卽鳴夜曉達旦田家候之以興農事本草釋名曰蜀人見鵑而思杜宇故呼杜鵑說者遂謂杜宇化鵑誤矣鵑與子雋子規鵑鳩催歸諸名皆因其聲似各隨方音呼之按金川瑣記云自呼貴貴陽土人目爲陽雀卽子規也乃謂與子規別一鳥誤矣今各廳縣皆有

八哥 宜賓志邑產本草集解鸚鵡巢於鵲巢樹穴及人家屋脊中身首俱黑兩翼下各有白點其舌如人舌剪剔則能作人言嫩則口黃老則口白頭上有幘亦有無幘者負暄雜錄南唐李主諱煜改鸚鵡爲

八哥亦曰八八兒按各廳縣皆有

箐雞 [高縣志] 邑產池北偶談箐雞產水西長尾白

羽羽之周遭黑文緣之如淡墨所畫或畜之見人輒避去終不馴擾遵義府志伏卵洞中其聲如人嘯

竹雞 [宜賓志] 邑產格物論竹雞比鷓鴣差小毛羽

褐色多斑赤又自呼泥滑滑本草釋名山菌子即竹

雞言味美如菌也蜀人呼雞頭鶻南人呼泥滑滑因其聲也按各廳縣皆產

黃連雞 [珙縣志] 邑產

毛類

敘州府志

卷二十一

物產

三

馬牛羊犬豕貓兔狐鼠獺 各廳縣志皆有

熊虎狼麂豹驢九節狸 [雷波志] 廳產

龍馬 [通志] 馬湖府三百里外有湖四圍皆峻崖長

二十里廣七里中有堆如螺髻去大江二十里其水與江流同消長日夕作潮昔有龍馬見於湖郡因以

名又蜀志馬鳴溪昔土人鄭氏牧溪上馬產龍駒四

蹄利爪朱鬣頰尾高七尺振鬣長鳴躍於水故名按

馬鳴溪在宜賓界

獬獠 [寰宇記] 獬皮煖坐下引郡縣志云棘道有獸

名獬獠似猿而四足短一騰一百五十步如迅鳥之

飛取此皮爲狐白之用盈百方成又引段氏蜀記戎人進果然襍拔毛詩草蟲經狻獬猴也楚人謂之沐猴老者爲獬猴國史補果然後屬頰有髯鬚好理髯似獬猴果然與狻皆一物故樂氏以之釋狻也宋祁狻贊曰狀實狻類體被金毳皮以藉焉中國之貴竹鼈雷波志廳產蘇軾竹鼈詩野人獻竹鼈腰腹大如盃自言道旁得採不費置網鴟夷讓圍滑混沌慙瘦爽兩牙雖有餘四足僅能髣逢人自驚蹶悶若兒脫襁念茲微陋質刀几安足枉就擒大倉卒羞愧不能饗南山有孤熊擇獸行舐掌

敘州府志

卷二十一

物產

三

獾宜賓志邑產

獾雷波志夷地產

豪豬宜賓雷波志皆有

野豬宜賓雷波志皆有

鱗介類

鯉鱧鮒鰕鰻鱧螺蚌蝦蟹龜鼈各廳縣志皆有

鮓子魚東坡詩冰盤薦文鮓自注鮓鮓也戎瀘嘗

有之

鴈骨魚蜀典郭義恭廣志云犍爲郡犍道縣出鴈

骨黃魚按南中八部志云黃魚形似鱸骨如蔥可食

今屏山有之

桃花魚 雷波志中山坪石梁子山腳下有二穴產

嘉魚味極鮮美土人春初取之謂之桃花魚

油魚 琪縣志產符黑水及魚孔洞

鮰魚 俗呼肥佗魚府屬濱江諸縣皆產彭瑞毓戎

州留別詩又有粉紅魚嘉味勝石首即指此也 新輯

鉤蛇 蜀典水經若水注云山有鉤蛇長七尺尾末

有歧在山間水中以尾鉤岸上人牛馬食之又李文

續博物志朱提山有鉤蛇與水經注所說同

穿山甲 慶符琪縣志皆有

敘州府志卷二十一 物產 四

蟲類

蜂蝶蚋螢蠅蠹蠅螻蛙螳螂蜻蜒蝙蝠蟋蟀蜥蜴蝸

牛虻蝓蜈蚣蜘蛛 各廳縣志皆有

山蠶 遵義府志蠶之樹名青桐其繭即日青桐繭

近宜賓縣知縣京江國璋自貴州購山蠶種二萬遣

蠶師數人於弔黃樓一帶擇山有青桐樹者教鄉民

以放蠶法 法詳教種山蠶譜 並酌量予值鄉民多來觀法繭

成取絲計得繭近三十萬取絲織綢光亮細緻

蠟蟲 雷波志廳產蜀語白蠟蟲生冬青樹枝上殼

大如圓眼半核殼雨節摘下殼內細蟲如蟻至立夏

節生足能行用桐葉包繫之青樹枝上其殼底蟲能作白蠟走向葉背上住其殼口蟲仍爲蟲種走向葉面上住如入定狀七月後葉背上者脫皮走聚住枝上身生白衣漸厚卽白蠟也至處暑節採下煎爲蠟葉面上者蛻皮走散住枝上漸漸長大初如蟻如蝨漸如粟如米至冬如豌豆如大豆至明年穀雨所謂大如圓眼半核者殼上有蜜一點至穀雨蜜乾可摘此卽蟲種也

鳩掇 〔南溪志〕俗名竈馬又名竈雞好穴竈其聲清微如曰織織興文志同隆昌志引西陽雜俎狀似促

敘州府志

卷二十一

物產

三

織按各廳縣皆有

筍子蟲 〔隆昌志〕背有二甲嘴硬如錐飛則甲翅逢逢有聲每於慈竹筍出時見之

偷油婆 〔田居蠶室錄〕生厨竈間身翼皆赤黑速走羣燕遊食閣內渾身脂濡驅去旋視之又唇入膏缸矣然毒蟲避之按各處皆有

貨類

葛織 〔通志〕敘州府 〔通志〕唐志戎州貢葛織宋志敘州富順皆出葛

麻布 〔通志〕敘州府物產引元和志開元間戎州貢

麻布按今隆昌所出極細密輕軟一名夏布

山繭綢 宜賓縣出邑令國璋教種山蠶譜取絲織

綢光亮細緻與湖縐相仿

絲 慶符南溪高縣筠連珙縣雷波志皆有

棉花 興文志一名吉貝草演繁露緝其花為布精

曰布粗曰氎南史高昌國傳有草實如繭中絲為細

纒名曰白氎取以為布甚軟白即今綿布也按今各

廳縣皆產

涎麻 雷波志廳產

統幫 通志敘州府物產諸夷織絲為之其色似茜

敘州府志 卷二十一 物產

而雜以青白文彩斑斕長六尺縫兩端以為幫束於

腰故名統幫雷波志今多以布為之

絨皮煖坐 通志敘州府物產引寰宇記戎州人進

果然褥卓褐碧三色相間出馬湖江石門兩路蠻界

內

赤金 雷波志金沙江一帶產沙金間有淘採者煉

之皆赤

銅 雷波志分水嶺犍子村東林鄉俱有舊廠今停

馬邊志龍門溪細沙溪楠木坪俱有廠今廢

鐵 雷波志羅三溪廣餘鄉中山坪牛吃水皆有廠

同治中廢

鉛 雷波志產龍頭山梅子岡大寶鼎道光時厥廢

磨石 華陽國志楚道縣下崩容江出好磨石

珙石 珙縣志可雕刻作器皿

方解石 珙縣志出夔川溝白亮光瑩本草名方解

石

五色石 通志敘州府物產出宜賓縣

鹽 通志敘州府物產富順長甯二縣俱有井寰宇

記富順監有鹽井人享厚利故曰富世唐改爲富義

井深二十五丈鑿石以達鹽泉

敘州府志 卷二十一

物產

三

蔗糶 各屬皆產惟宜賓富順南溪三處出較多新

按糶之類有六曰糶清曰紅糶曰白糶曰結糶曰冰

糶曰漏水糶業此者有三曰糶房曰漏棚曰冰橋房

種蔗之家碾蔗汁而熬之貯於皇桶俗名大木桶曰皇桶曰糶

清又熬之使醞色遂赤貯於桶曰水糶即紅糶亦曰沙糶將

取霜者則貯於瓦盎謂之漏盎底有小孔以草塞之此皆糶房

所爲也取霜者置漏盎於瓦鑽上俗呼漏鑽去其塞以池

中汙泥和水藻蓋之則水自下漏於鑽者曰漏水糶

於是刮去盎面白霜二寸許謂之白糶又以汙泥蓋

之如是者三四次乃止其盎底之糶仍黃色又合漏

水熬之貯於盞以鐵鏟攪之覆於簞暴乾日結糰此皆漏棚所爲也造冰者取白糰化水加猪脂熬之貯於瓦缸結成堅塊狀如琥珀謂之冰糰其冰下糰水謂之冰水以煎橘棗及諸水果謂之冰橘水此皆冰橘房所爲也洪氏糰霜譜合糰霜糰冰爲一不知糰霜乃糰之白者必煉之乃成冰也然自東坡山谷皆以糰霜爲糰冰矣陳崇哲富順蔗糰詩種蔗種得萬挺千挺蔗預貸十千八千錢種蔗者皆以春初貸錢霜戶始春得

錢十勝千半果饑腹半入田擢翠抽萌秋剡剡荻叢

杜叢高下颭本草所謂荻蔗今蘆蔗也今木蔗疑卽譜云杜蔗之譌素心堅節

凝蜜甘冷光粲粲來鉤鎌榨汁猶飈獵獵吹人骨蔗

林刷蔗汗透髮人坼手板牛摧毛山頭屋角聲軋軋

草亭百尺凌碧天石堅木重銼作盤榨具有天地盤之名天盤以木

地盤或石雙輪輾晝夜復動素霜下凍冰漿寒煉漿跨

驢窾導鄒和尚煮汁法演摩揭陀掘地起竈七釜列

煉糰以七釜遞轉石墨黓黓崢嶸峩洪爐睽炆天夜赤浪擺

靈勺跳一尺漏深遞轉石蜜甜紫鉢鱗鱗壓階石造

霜泥濁泥濁君勿嗤泥中璨璨冰霜姿以泥壓糰則色白貧

家尙白糞有時水晶疊嶂瑠貯瑩琥珀團枝高下半

蹂金蹙玉甘入甌江頭打浪催上包風雨一舟下渝

萬包糧北山南山竹梢禿織篋作包糧塞屋洪王譜
外別派傳霜戶病自同尅年舩舫櫛櫛沱江裏沙上
駕屋閔成市晚春市宋行賈歸澹澹城南一江水

蕨粉 羣芳譜處處山中有之二三月生芽拳曲狀
如小兒拳長則展寬如鳳尾高三四尺根紫色皮內
有白粉搗爛洗澄取粉名蕨粉按宜賓蕨溪山中產
藕粉 宜賓白沙鄉產藕以之磨粉味極甘美他處
皆不及也新增

乾筍 雷波志春秋皆產廳民生業以此爲最產黃
螂中山坪等處

油 桐油菜油花油麻油棗油茶油府屬皆有

井油 富順縣產四川鹽法志蜀語似溝中臭水而
綠然之光亦青微臭遇水不滅更增其燄報人爲燭
馬上執之得雨亦然浸乾馬矢或燒柴草於上流然
之置江中可以燒敵船正德間犍爲嘉定出天涯聞
見錄井油桐綠色汲入筒水與油并浮水上有能測
其入筒深淺者於筒下井時如其淺深吸之則油充
叔其中無滴水自起盛盎然之與桐膏若惟氣稍雜
硫黃自流井記井油凡四色米湯油色白綠豆油色
青梔子油色黃墨漆油色黑青黃黑三者氣熏人如

硫黃白者氣較輕光較明曬牛馬糞爲乾餅以此油浸之浮水不息又能療癬癩價昂時一筋可值八十錢按井有水油兼出者有水火兼出者出油多在井數十丈間太深則無油油水兼出者汲出瀉於器水重而沈油輕而浮用竹木器輕挹出用以然燈如油泡多不能卽然則用稻草一束浸油內取出揉搓之油卽澄清油色暗綠味臭江中鑿灘石率用油燒之

石輒裂

新輯

白蠟

各廳縣皆產

黃蠟

各廳縣皆產

蘇州府志

卷二十一

物產

三

草紙

慶符高縣琪縣雷波志皆有

靛

慶符高縣筠連琪縣興文雷波志皆有

漆

興文雷波志俱有

燈草席

廣羣芳譜馬志曰生江南澤地叢生莖圓

細而長直人將爲席按今宜賓縣出者佳

石炭

慶符富順南溪高縣琪縣屏山雷波志皆有

煤炭

宜賓長甯筠連琪縣志皆有

草皮炭

高縣志邑產

桐炭

宜賓筠連興文志皆有

飲食類

桄榔麩 左思蜀都賦麩有桄榔述異記石門山有桄榔樹

秬豆麩 廣志秬豆苗似山豆紫華可為麩生朱提

荔枝綠酒 宋王公權造黃庭堅稱為戎州第一有

荔枝綠頌曰王牆東之美酒得妙用於三物三危露

以為味荔枝綠以為色哀白頭而投裔每傾家以繼

酌忘螭魃之躩觸見醉鄉之城郭楊大夫之拓落陶

徵君之寂寞惜此事之殊時常生塵於尊勺

新輯

茶 雷波志黃蠅產者佳按屏山亦產

麩 雷波志色白味長素稱佳產以麥皆午時揚花

敘州府志

卷二十一

物產

三

故也

